

**Takornariartitsisarnermik inuussutissarsiuteqarnerup aamma nunami inuussutissarsiutit
siuarsarneqarnissaat pillugit Inatsisartut inatsisissaattut siunnersuut**

pillugu

Inatsisartut Inuussutissarsiornermut Ataatsimiititaliaata

ISUMALIUTISSIISUTAA

siunnersuutip aappassaaneernejarnissaanut saqqummiunneqartoq

Inatsisartut Inuussutissarsiornermut Ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Simon Olsen, Siumut, siulittaasoq
Inatsisartuni ilaasortaq Johan Lund Olsen, Inuit Ataqaatigiit, siulittaasup tullia
Inatsisartuni ilaasortaq Per Rosing-Petersen, Siumut
Inatsisartuni ilaasortaq Finn Karlsen, Atassut
Inatsisartuni ilaasortaqads Peter Grønvold, Kattusseqaatigiit

Ataatsimiititaliap sulinera

Inatsisartut Inuussutissarsiornermut Ataatsimiititaliaata UKA 2001-imi Takornariartitsisarnermik inuussutissarsiuteqarnerup aamma nunami inuussutissarsiutit siuarsarneqarnissaat pillugit Inatsisartut inatsisissaattut siunnersuut siullermeernejarnerata kingorna nassuiaatitai ilanngullugit ataatsimiinnerni pingasuni oqaluuseraa.

Isumasioqatigiilluni ataatsimiinneq

Ataatsimiititaliattaq siunnersuutip suliarineqarneranut atasumik Naalakkersuisut Siulittaasuat isumasioqatigalugu ataatsimeeqatigisimavaa.

Inassuteqaat naalakkersuinikkullu oqaaseqarfiginninnerit

Ataatsimiititaliap siunnersuummik oqaluuserinninnermini paasiniarsimavaa inatsisissatut siunnersuutip § 8, imm. 2-ani aamma § 13, imm. 2-ani aningaasalersuisarnermik aqqissuussinerit assigiinngissutaat suunersoq. Apeqquut taanna saqqummiunneqarpoq siullermeeraluni oqallinnermi. Ataatsimiititaliap tassunga atatillugu oqaatigissavaa § 8, imm. 2-mi pineqartoq tassaasoq, aningaaserivimmit, sparekassimit, realkreditinstituttim akuerisaasumit imaluunniit Nunat Avannarliit Killiit Aningaasaateqarfiannit taarsigassarsianut, taakkuluunniit akuleriiaarlugit atornerarannut Naalakkersuisut qularnaveequsiisarnissaat, § 13, imm. 2-mili pineqarluni Aningaasaateqarfiup Unnuisap taarsigassarsisitsinikkut aningaasaliisuunissaa.

Ataatsimiititaliattaq Naalakkersuisut kaammattussavai aqqissuussinerit assigiinngitsut Naalakkersuisuniit aqutsivigineqarnissaat pillugu Sulisa A/S-imik suleqateqaqqullugit. Tassunga ilanngullugu Naalakkersuisut kaammattorneqassapput Unnuisap siulersuisuini ilaasortassanik Naalakkersuisut toqqaanerannut atatillugu Naalakkersuisut Sulisa A/S-imi sinniisuutitamik toqqaanissaat tulluartsuussanersoq isumaliutigeqqullugu.

Naggataatigut ataatsimiititaliap Naalakkersuisut kaammattussavai umiarsuit imarpiit ikaarlugit takornarianik angallassisartut, nunatta imartaanut pisut, nunatsinnilu umiarsualivissinnatik kisartut, akitsuusiiffigineqarnissaannut periarfissanik misissueqqullugit.

Inatsisartut Inuussutissarsiornermut Ataatsimiititaliaata taamatut oqaaseqarluni Takornariartitsisarnermik inuussutissarsiuteqarnerup aamma nunami inuussutissarsiutit siuarsarneqarnissaat pillugit Inatsisartut inatsisissaattut siunnersuut aappassaaniigassanngortippaa.

Simon Olsen,
Siulittaasoq

Johan Lund Olsen

Per Rosing-Petersen

Finn Karlsen

Mads Peter Grønvold